



Broj: T18 0 KT 0017159 24
Brčko, 18.06.2025. godine

Optužnica potvrđena dana 16.07.2025.godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

D. B., rođen 1998. godine u Zenici,

Što je:

Dana 28.07.2023. godine, sa lokacija opštine Živinice, Zavidovići i Tuzla, prethodno ostvarivši kontakt sa A. D. s kojim je komunicirao pod imenom „M. M.“ putem aplikacije Facebook, s ciljem pribavljanja protivpravne imovinske koristi, svjestan i sa namjerom da A. D. lažno prikaže činjenice, dovede ga u zabludu i navede da na štetu svoje imovine što učini, što je i htio, koristeći svoj broj mobilnog telefona 061/..., putem aplikacije Viber i Messenger, ponovo ostvario komunikaciju sa A. D. na njegov broj telefona 063/..., lažno se predstavljajući kao izvjesna „M.“, razmijenjujući sa A. veći broj SMS poruka, kojom prilikom je od istog zatražio da mu pošalje novac, na način da kupi „X-bon“ sa određenom vrijednošću novca, navodeći da mu novac treba za lijekove, da se nalazi u bolnici i da ga je policija lišila slobode, sve vrijeme predstavljajući se u ženskom rodu, što je A. povjerovao i učinio, poslavši mu preko aplikacije fotografiju o uplati pet „X-bonova“ i to dva u vrijednosti od po 50,00 KM, jedan u vrijednosti od 100,00 KM, jedan vrijednosti 200,00 KM i jedan „X-bon“ vrijednosti 80,00 KM, koje bonove je potom i to u vrijednosti od 50,00 KM, 100,00 KM, 50,00 KM, 200,00 KM uplatio u sportskoj kladionici „Formula“ d.o.o. Posušje, pod korisničkim imenom „B.100“, koji je kreirao koristeći ličnu kartu svog oca B. B., radi identifikacije korisnika, da bi potom 30.07.2023. godine, ponovo zatražio od A. da mu pošalje novac posredstvom „X-bona“ u vrijednosti od 1.000,00 KM, radi navodnog liječenja, dok je dana 31.07.2023. godine sa mobilnog telefona broj 061/652-167, čiji je kao korisnik registrovana njegova majka S. B., sada se lažno predstavio pod imenom „M.R.“, koji je navodno zaposlen u Policiji Brčko distrikta BiH kao inspektor, i dalje održavajući A. u zabludi, od istog zatražio da mu ponovo uplati novčani iznos koji mu je potreban sada radi M. liječenja, što je A. ponovo povjerovao i učinio uplativši mu „X-bon“ u vrijednosti od onoliko novca koliko je imao i to u iznosu od 400,00 KM, čime je za sebe pribavio protivpravnu imovinsku korist u navedenim iznosima, za koje iznose je oštetio A. D.,

dakle, s ciljem da sebi pribavi protivpravnu imovinsku korist doveo drugog lažnim prikazivanjem činjenica u zabludu i time ga naveo da na štetu svoje imovine šta učini,

čime je učinio krivično djelo - Prevara iz člana 288 stav (1) Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
